

# 佛說佛醫經

吳沙門竺律炎共支越譯



南無本師釋迦牟尼佛


## 說明

本繁體校正版《佛說佛醫經》电子书，根據《高麗大藏經》西土賢聖集，第 0998 部，第 0964 部，吳沙門竺律炎共支越譯《佛說佛醫經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年十二月



掃碼關注仁慧草堂微信公眾號

## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

### 開經偈

(一編)

無上甚深微妙法 百千萬劫難遭遇  
我今見聞得受持 願解如來真實義

# 佛說佛醫經

吳沙門竺律炎共支越譯<sup>1</sup>

人身中本有四病：一者、地；二者、水；三者、火；四者、風。風增，氣起；火增，熱起；水增，寒起；土增，力盛。本從是四病，起四百四病。土屬身，水屬口，火屬眼，風屬耳。火少寒多，目冥。春正月、二月、三月寒多，夏四月、五月、六月風多，秋七月、八月、九月熱多，冬十月、十一月、十二月有風有寒。何以故春寒多？以萬物皆生，為寒出，故寒多。何以故夏風多？以萬物榮華，陰陽合聚，故風多。何以故秋熱多？以萬物成熟，故熱多。何以故冬有風有寒？以萬物終亡熱去，故有風寒。

三月、四月、五月、六月、七月得臥。何以故？風多故身放。八月、九月、十月、十一月、十二月、正月、二月不得臥。何以故？寒多故身縮。

春三月有寒，不得食麥、豆，宜食粳米、醞

<sup>1</sup> 大正藏：吳天竺沙門竺律炎共支越譯

醐諸熱物。夏三月風<sup>2</sup>，不得食芋、豆、麥，宜食粳米、乳、酪。秋三月有熱，不得食粳米、醍醐，宜食細米、麩、蜜、稻、黍。冬三月有風寒，陽與<sup>3</sup>陰合，宜食粳米、胡豆、羹、醍醐。有時臥風起，有時滅；有時臥火起有時滅。有寒起有時滅。

人得病有十因緣：一者、久坐不飯；二者、食無貨；三者、憂愁；四者、疲極；五者、淫泆；六者、瞋恚；七者、忍大便；八者、忍小便；九者、制上風；十者、制下風。從是十因緣生病。

佛言：「有九因緣，命未當盡為橫盡：一、不應飯為飯；二、為不量飯；三、為不習飯；四、為不出生；五、為止熟；六、為不持戒；七、為近惡知識；八、為入里不時不如法行；九、為可避不避。如是九因緣，人命為橫盡。

「不應飯為飯，謂不可意飯，亦謂不隨四時食，亦為已<sup>4</sup>飯復飯，是為不應飯為飯。不量飯者，謂不知節度，多食過足，是為不量飯者<sup>5</sup>。不習飯者，謂不時食。若至他郡國，不知俗宜飯食未習，不稍稍飯，是為不習飯。不出生者，謂

<sup>2</sup> 大正藏：有風；永樂北藏及龍藏：風

<sup>3</sup> 大正藏：與；永樂北藏及龍藏：與

<sup>4</sup> 大正藏：以；永樂北藏及龍藏：已

<sup>5</sup> 大正藏：飯；永樂北藏及龍藏：飯者

飯物未消復上飯，若服藥吐下不盡便食來，是為不出生。止熟者，謂大便、小便來時不即時行，噫吐、下風來時，制是為止熟。不持戒者，謂犯五戒，現世間盜，犯他人婦女者，便入縣官，或刻、或死、或得梃榜壓死、若餓死、或得脫外從怨家得首死、或驚怖憂愁死，是為不持戒。近惡知識者，謂他人作惡便來及人。何以故？不離惡知識故。惡人不計當坐之，是為近惡知識。入里不知時不如法行者，謂晨暮行，亦有魍魎爭鬪者，若有長吏追捕而不避，若入他家舍，妄視不可視、妄聽不可聽、妄犯不可犯、妄念不可念，是為入里<sup>6</sup>不知時不如法行。為可<sup>7</sup>避不避者，謂弊牛、馬、狡<sup>8</sup>、狗、虻、蛇、虫，水、火、坑、穿、犇車、馳馬，拔刀醉人、惡人。亦餘<sup>9</sup>若干，是為可避不避。

「如是九因緣，人命未盡為盡。黠人當識是，當避是，已避得兩福：一者得長壽，乃<sup>10</sup>得聞道好語，亦得久行道。」

佛言：「有四飯：一、為子飯；二、為三百

<sup>6</sup> 大正藏：入；永樂北藏及龍藏：入里

<sup>7</sup> 大正藏：可；永樂北藏及龍藏：為可

<sup>8</sup> 大正藏：獠；永樂北藏及龍藏：狡

<sup>9</sup> 大正藏：亦；永樂北藏及龍藏：亦餘

<sup>10</sup> 大正藏：及；永樂北藏及龍藏：乃

矛斫飯；三、為皮革虫生出飯；四、為災飯。子飯者，謂人貪味食肉時，便自校計念：『是肉皆我前世時父母、兄弟、妻子親屬，亦從是不得脫生死！』已得是意便止貪，是為子飯。三百矛斫飯者，謂飯隨味念復念其殃，無有數能不念味便得脫。又矛斫人為亡身，已生念復念有若干受苦，為三百矛斫飯。皮革虫生出飯者，謂人念味，亦一切萬物憂家中事，便穿人意，意作萬端為出去，是為皮革虫生飯。災飯者，謂一生死行皆為災飯，如火燒萬物，人所行皆當來腦<sup>11</sup>身，劇火燒<sup>12</sup>萬物故言災。所以言飯者，謂人所可意念人，故言飯也。

「人食肉譬如食其子，諸畜生皆為我作父母、兄弟、妻子，不可數。亦有六因緣不得食肉：一者、莫自殺；二者、莫教殺；三者、莫與殺同心；四者、見殺；五者、聞殺；六者、疑為我故殺。無是六意得食肉，不食者有六疑。人能不食肉者，得不驚怖福。」

佛言：「食多有五罪：一者、多睡眠；二者、多病；三者、多婬；四者、不能諷誦經；五者、

<sup>11</sup> 大正藏：惱；永樂北藏及龍藏：腦

<sup>12</sup> 大正藏：焚；永樂北藏及龍藏：燒

多著世間。何以故？人貪婬、人知色味，瞋恚知橫至味，癡人知飯食味。律經說：『人貪味，味復味復<sup>13</sup>生不得美味。』』

佛言：「一食者為欲斷生死，亦墮<sup>14</sup>貪不能行道，為得天眼自所知從來生去至何所。人不念死，多食，常念婦人，皆墮百四十惡，中天<sup>15</sup>皆用飯故。犯十惡後生便失人形，墮畜生中。既得作人，飢渴血出，瞋恚傍生，於愛內生於貪。佛說有大福，自飢以飯與人，令人得命，是為大福。後生饒飲食，乏瞋恚，亦無所施，亦<sup>16</sup>不得，但意恣貪婬，亦無所施，但得意恣，非我所有。一錢以上，不得取故，作貪欲空，自苦作罪。道人不可有憂愁，憂隨怒，愁隨貪。我輩有死歲、有死月、有死日、有死時，亦不知、亦不畏、亦不行道、亦不持戒，東走西走，憂銅憂鐵，憂田宅、奴婢，但益人惱、增人苦，為種畜生習。」

佛言：「人治生，譬如蜂作蜜。採取眾華，勤苦積日已成，人便攻取去。唐自苦，不得自給。人求是念，是憂有憂，無飢渴勤苦。合聚財物，未死，憂五家分，或水、火、盜賊、縣官、病痛，

<sup>13</sup> 大正藏：得；永樂北藏及龍藏：復

<sup>14</sup> 大正藏：隨；永樂北藏及龍藏：墮

<sup>15</sup> 大正藏：天；永樂北藏及龍藏：天

<sup>16</sup> 大正藏：施亦；永樂北藏及龍藏：亦



多不如意。己死，他人得之。身當得其罪，毒痛不可言。五分者：一者、火分；二者、水分；三者、盜賊分；四者、縣官分；五者、貧昆弟分。何為無憂所有？人不計是五分憂，苦劇不棄，是憂苦有萬端，結在腹中，離道遠法。人法生價<sup>17</sup>作，得利，不當喜；不得利，亦不當憂；是皆前世宿命所致。人有貪，貪便不得利。正使得一天下財物，亦不能猛自用之，亦不隨人去，但益人結、但有苦惱、但種後世緣因。緣因如火，如火無所不燒。我輩不覺，是點<sup>18</sup>不敢妄採<sup>19</sup>，知為增苦種罪。」

佛說佛醫經

<sup>17</sup> 大正藏：賈；永樂北藏及龍藏：價

<sup>18</sup> 大正藏：點；永樂北藏及龍藏：點

<sup>19</sup> 大正藏：搖；永樂北藏及龍藏：採

## ● 結誦儀

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫  
迦囉嚩吽

南無本師釋迦牟尼佛 (合掌三稱)

南無護法諸天菩薩 (合掌三稱)

### 迴向偈

(一編)

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

十方三世一切佛. 一切菩薩摩訶薩. 摩訶般  
若波羅蜜.

## 三皈依

(一篇)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪

南无护法韦驮尊天菩萨

